





-10506-





# Mandement du

Roy, contenant declaration de ceux qui se doibuent trouuer sans Armes, & autres avec leurs armes & cheuaux Pour le iour de l'entrée de la Royne, sa tres-chere & tres-amée compagne en sa bonne ville de Paris.



A PARIS,  
de l'Imprimerie de Guillaume de Ny  
uerd, Imprimeur ordinaire du Roy,  
en langue Françoise.

*Avec privilege d'udit Seigneur.*

THE NEWBERRY  
LIBRARY

*EXTRACT*  
*du Privilège.*

Case

F

39

. 326

1571 f

**P** A R Lettres patentes du Roy, données à  
Orleans, le xxij. Nouembre, 1568. Signées  
par le Roy, R O B E R T E T. Et scellées du  
grand scel dudict Seigneur, en cire iaune, sur sim-  
ple queue. Autres Lettres de Iusion données à  
Ioinuille le premier Feurier 1569. Signées  
C H A R L E S, Et plus bas, Par le Roy,  
R O B E R T E T. Et scellées comme dessus:  
Verifiées en la Court de Parlement, à Paris, le  
vij. iour de May audict An. P A R lesquelles  
sa Majesté a retenu & retient Guillaume de Ny-  
uerd, en l'estat & charge de son Imprimeur  
ordinaire, en langue Françoisse, afin d'oresna-  
uant le y seruir. Et en-ce faisant, luy à aussi per-  
mis d'Imprimer & exposer en vente (ensemblé-  
ment ou separément) toutes Ordonnances, E-  
dicts &c. Et aussi les Publications qui seront  
faictes de par sa Majesté, tant en ses Courts de  
Parlemēt, qu'autres Courts & Iurisdiccions. E T  
F A I C T inhibitions & defenses (ledict Sieur)  
à tous Imprimeurs libraires & autres, d'impri-  
mer, faire imprimer, n'exposer en vente ce-qui  
aura esté imprimé par ledict de Nyuerd, ny po-  
cher, tailler & contre-faire nulles de ses hystoi-  
res, figures des monnoyes, armoyries, ny autres  
portraictz quelz-conques, sur les peines con-  
tenuës esdictes Lettres.



# De par le Roy.

**N**ostre amé &  
 Feal, Pour-ce que la  
 Royne, nostre tres-  
 chere & tres-amée  
 cōpaigne, sera (Dieu  
 aydant) coronnée  
 à Sainct Denys, & fera son entrée en  
 ceste nostre bonne Ville & Cité de  
 Paris, d'aujourd'huy en quinze iours

Nous voulons & vous man-  
 dons que vous ayez à faire publier à  
 son de trompe & cry public par tous

A ij

les lieux & endroictz de vostre res-  
fort : ou il est acoustume de faire pu-  
blications, Que tous Archers de noz  
gardes residens & demeurans à qua-  
rante lieües à la ronde de ceste-dicte  
ville de Paris, ayent à nous y venir  
trouuer & estre en ceste-dicte ville  
avec leurs armes & cheuaux, le Ieudy  
vingt-deuxième de-ce present Moys  
Et qu'ilz n'y facent faute, sur les pei-  
nes à-ce pertinentes: Car tel est nostre  
plaisir, Dōné aux Faulxbourgs sainct  
Honoré lez Paris, l'vnzième iour de  
Mars. mil cinq cens septante-vn.

Signé

Charles.

Et plus bas,

PINART.

Et sur la superscription est Escript.

*A nostre Amé & Feal Conseillier, le Pre-  
nost de Paris : ou son Lieutenant.*



APPORTEES le Lundy douzième  
Mars, l'an mil cinq cens soixāte-vnze  
& leuës & publiées en Iugement au  
part Ciuil du Chastellet de Paris, &  
ordonné estre enregistree & publiée  
és lieux acoustumez, Faict au Cha-  
stellet de Paris, les AN & iour dessus-  
dictz. Signé DOBILLON.

*Leües & publiées à son de trompe  
& cry public par les Carrefours de ceste  
ville de Paris, & Faulxbourgs, lieux &  
places acoustumez à faire cryz & publica-  
tions: par moy Pasquier Rossignol, Crieur  
iuré du Roy, nostre Sire, és ville, prenosté  
& viconté de Paris, acompagné de Mi-  
chel Noiret, trompette iuré, dudiect Sieur,  
ésdictz lieux, & de troys autres trompettes  
Le Lundy douzième iour de Mars, l'an  
mil cinq cens soixante-unze.*

*Signé,*

*ROSSIGNOL.*



De par le Roy.

**N**ostre amé &  
Feal, Pour-ce que  
de-puis la publica-  
tion faiète pour la  
côuocation des Ar-  
chers de noz gardes  
en ceste ville de Paris, afin de nous y  
venir trouuer pour le coronnement  
& entrée de-la Royne nostre tref-  
chere & tref-amée compaignie, Nous  
auons aduisé de mäder aussi les Che-  
ualiers & Seigneurs, Gentilz-l'hômes  
de nostre

de nostre Chambre, Gentilz-l'hōmes  
seruans & autres Gentilz-l'hommes  
estans en nostre estat. N O V S vou-  
lons & vous mādon que vous ayez  
à faire publier à son de trompe & cry  
public par tous les lieux & endroitz  
de vostre ressort: ou il est acoustume  
de faire publications, Que tous les  
Cheualiers & Seigneurs, Gentilz-  
l'hommes de nostre Chambre, Gen-  
tilz-l'hommes seruans & autres Gen-  
tilz-l'hommes estans en nostre estat,  
residans & demeurās à quarāte lieües  
à la ronde de ceste-dicte ville de Pa-  
ris, ayent à nous y venir trouuer &  
estre en ceste-dicte ville de Paris le  
vingt-deuxième de-ce present mois,  
en honneste équipaige, pour assister  
sans Armes ausdictz Coronnement  
& entrée de la Royne nostre-dicte  
tres-chere & tres-amée compaignie,  
Et qu'ilz n'y facent faute, sur les pei-

nes à-ce pertinentes: Car tel est nostre  
plaisir. Donné aux Faulxbourgs S.  
Honoré lez Paris, le trezième iour de  
Mars, Mil cinq cens septante-vn.

Signé

Charles,

Et plus bas,

PINART.

*Leües & publiées à son de trompe & cry  
public par les Carrefours de ceste ville de  
Paris & Faulxbourgs, lieux & places  
acoustumez à faire cryz & publications  
par moy Pasquier Rossignol, Crieur iuré  
du Roy nostre Sire, és ville, preuosté &  
viconté de Paris acompagné de Michel  
Noiret trompette iuré, dudit Sieur esdistz  
lieux, & de deux autres trompettes Le  
Mecredy quatorzième iour de Mars lan  
mil cinq cens soixante-unzé.*

Signé,

ROSSIGNOL.

